



Inatsisartunut ilaasortaq Juliane Henningsen  
Inuit Ataqtigiit

### **Inatsisartut suleriaasianni § 36, imm. 1 naapertorlugu apeqqummut, suliaq nr. 2008-62, akissut**

16. juni 2008 atuakkat kalaallisuut pillugi apeqquteqarninnut imatut nalunaaruteqarsinnaavunga:

#### **Apeqqut 1) Atuakkiorfiup kalaallisut atuakkianik saqqummersitsisarunnaarniarnera Naalakkersuisut qanoq qisuariarfiginiarpaat?**

Akissut: Naalakkersuisut ajuusaarutigivaat Atuakkiorfik tusagassiuutitigut nalunaarutikkut allammat atuakkanik kalaallisuunik saqqummersitsisinaajunnaarlutik, Namminersornerullutik Oqartussat tamatumanga salliutitsiumanginnerat pillugu. 2008-mut Aningaasaqarnermut Inatsimmi kalaallisut atuakkianut aningaasaliissutit kr. 300.000-inik ilaneqarput kr. 1,2-nngorlugit. Kalaallisut atuakkanut tapiissutit tunniunneqartarput kalaallisut atuakkiorneq siuarsarumallugu. Tapiissutit qinnuteqartoqareerneratigut tunniunneqartarput imaluunniit atuakkanik saqqummersitsisarfik ataaseq amerlanerilluunniit sullissinissamik isumaqatigiissuteqarfigineqartarlutik. Siorna Naalakkersuisoqarfik siullermeertumik suliariumannittussarsiorpoq, kisiannili neqeroorutitut tiguneqartut naammaginatik, atuakkiorfiillu marluk saqqummersitassatut aalajangersimasunut aningaasaliussaasut avippaat.

#### **Apeqqut 2) Atuarfinni, ilinniarfinni atuakkanik kopeerisarneq akiorniarlugu, atuakkiorlullu piginneqqaartussaataitanerat illersorniarlugu, Naalakkersuisut qanoq iliulersarpaat?**

Akissut: Atuakkiorlut illersugaapput piginnittussaanermut inatsit naapertorlugu, inatsit nr. 561, 7. juni 2006 "Anordning om ikrafttræden for Grønland af lov om ophavsret". Nalunaarutit A2000 qupp. 184 "Arkiivit, biblioteket katersugaasiviillu atuakkianik eqqumiitsulianillu il.il. assiliivik atorlugu piliorsinnaanissaat pillugu nalunaarut" aalajangersagaqarpoq atuakkiorlut atuakkiaannik illersuisumik.

Kommunini meeqqat atuarfii inatsisit malillugit meeqqat atuarfiini atugassanik kopeerisarnermut atatillugu piginnittussaataitaasumut akiliinissamat pisussaapput. KANUKOKA, CopyDan Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik isumaqatigiissuteqarput, taannalu malillugu kommunit ukiumut atuartumut ataatsimut aningaasanik aalajangersimasunik amerlassusilinnik meeqqat atuarfianni sunngiffimmilu atuarfinni kopiikkat amer-

25. juni 2008  
Sags nr. 2008-009295  
Dok.nr.68686

Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiip-mail@gh.gl  
www.nanoq.gl/kiin

lassusaasa nalilerneqarnerat malillugu CopyDan-imut akiliuteqartartussaapput. CopyDan-ilu (Tekst og Node) isumaqatigiissut kopeerisinnaanermut pisinnaati-taanermut aamma tunggassuteqarpoq ilinniarfinni allani aammalu apersortittussa-nik atuartsinermi. Saniatigut Inerisaavik CopyDan AVU isumaqatigiissuteqarfigi-vaa immiussinermik, kopeerineramik aammalu radiokkut tv-kkullu aallakaatitassiat atuartsinermi atorneqartarnerat pillugit. Isumaqatigiissut meeqqat atuariinut aammalu ilinniarfiillu allat tamakkerlugit atuuppoq. Ukiumut kr. 1,0 milliuunit missaanni kopeerineranut piginnittussaaneermut akiliutigineqartarput.

Aningaasat annertunersaat atuakkiortunut utertinneqartarput il.il. Kalaallit Nunaan-ni. Aningaasanik agguassinissamut ataatsimiititaliamik pilersitsisoqarnikuvoq. Ataatsimiititaliaq inuttalersugaavoq atuakkiortut kattuffiannit, eqqumiitsuliortut kat-tuffiannit, nipilersortartut kattuffiannit, ilinniartitaanermik sulialinnit, tusagassiuutinit aammalu tusagassiortut peqatigiiffiannit.

CopyDan (Tekst og Node) 2008/2009 atuariusumi atuariit taamungaannaq tigooq-qaalluni kopeerisarnerannik misissuiniarpoq atuariinni aalajangersimasuni. Copy-Daniminngaanniit upernaq 2008 Nuummukarput misissuinissaq pilersaaruseriar-torlugu. Ilaatigut pilersaarutaavoq spørgekemat atorlugit Internetikkut misissuineq. Taamungaannaq tigoqqaalluni misissuinerup inernera aningaasat qanoq agguar-neqarnissaannut aalajangiisooqataassaaq, soorlu qanoq annertutigisut atuakkiort-unut nunatsinneersuunngitsunut tunniunneqartassanersut aammalu qanoq anner-tutigisut ataatsimiititaliami nunatsinni agguanneqassanersut.

**Apeqqu 3) Naalackersuisut 2006-imi atuakkiortut peqatigiiffiat suleqatigalu-gu suleqatigiissitaliornissamik siunnersuuteqarput, suliassaq pingarneq tassaatineqarpoq kalaallisut atuakkiat siuarsaavigineqarnissaat. Suliaq su-mut killippa?**

Akissut: 21. april 2008 atuakkanik saqqummersitsisartut, atuakkiortut peqatigiiffiat Naalackersuisoqarfillu ataatsimiipput siunissami saqqummersitsisarnissami periu-sissaq eqqartorlugu. Peqataasut kingusinnerusukkut naapeqqissapput, sulilu taa-matut ataatsimiittoqanngilaq. Naatsorsuutigineqarpoq augustimi 2008 ataatsi-meeqqittoqassasoq, Naalackersuisoqarfiillu neriuutigaa ataatsimiinnissami Atua-kiorkfik peqataajumaartoq ilisimasaniillu suliffeqarfimmi ukiut ingerlanerini pigiliunne-qarsimasumik tapiissuteqarluni.

Ikinngutinnersumik inuulluaqqusillunga

Tommy Marø